

第十二部分 名人传记

一、历代先祖传记

二、近代名人传记

三、现代名人简介

家傳

民國庚午四修宗譜刊新舊所譔家傳按派序尊卑登載
仍 謹錄道光壬寅主修 致和公譔家傳後跋語列左
先輩懿行自憾固陋未及博徵茲於小傳及誌銘外謹登
數則以備觀法續修賢孝倘究心綜核無或蹈不明之愆
則修幸甚 壬寅冬夜起修敬識

八派祖德公傳

嗣孫觀光謹撰

吾宗八派祖考 祖德公迺珠碧塘祠所奉才卿祖高祖王父也公宋時人列明經授修職郎世居湘鄉東鳳里卒葬東陽山妣黃氏合家經宋元明鼎革之變而封冢巍然如故公靈不泯可知也山之麓有寺爲公先世施建古刹衆世捐貲修理鑄洪鐘新佛像至於今罔敢失緒公裔孫蕃甚在有明中葉若子經以成化辛卯科舉人知四川靈璧縣事嘉靖間文哲官信陽州文明官直隸新安縣文萃官四川安縣皆由明經入選嗣是卓以乾隆年廩貢官新化縣訓導瑚以道光乙未科舉人揀選知縣其它馳譽藝林通籍仕宦胥克無忝

門第於乎公沒已七百有餘歲幸世業未墜觀光猶得以衰
老餘年手輯家乘獨嘗於挑鐙搦管時愴然有感於當年之
流澤孔長能啟佑我後人敬告伯叔兄弟越爾羣從子姪尙
各念先人舊德篤志不忘毋自作不典終有辭於永世

十一才卿祖傳

道光壬寅 嗣孫起修敬撰

公諱必源字才卿生元至正時遭鼎革之變土寇蠭起能以
智力捍禦羣雄保全閭黨明祖肇基征南將軍傳友德英國
公張輔辟公行伍歷官南滄騰衝各衛所至有聲嗣歸田晦
跡耕讀傳家迄明中葉人文壘興仕宦輩出我譚氏用以右
族齒於湘

國朝以來若中湘瀉寧川滇諸派棊布星羅類各丕振門風
分宗別祖而念宗區以時親報享者要悉原籍於我東鳳都
珠碧塘祖阡今公墓下有享堂祀田則歷傳公手植也夫修
生距公四百有餘歲矣舊帙散佚於公生平行事未獲詳識
然每當祠墓瞻拜之餘慨然想見食舊德者羣奉典型服先
疇者聿光宗祀豈所謂積善餘慶古人或我欺欺於戲士也
勤修草澤輒侈言其量十世其量百世之規亦難之乎信今
而徵後耳若公者修將何以稱焉

十四連祖傳

嗣孫觀光謹撰

距珠碧塘祖阡二十里爲景慶三坊有花橋人形山我十四

派祖考 連公墓在焉公字藻堂明永樂間人壽七十一歲

先是公大父才卿公遭元季鼎革之變克以智力禦羣雄衛閭里明洪武初以隨征雲南交趾功官南滄封都尉傳三世至公詩書啟後生子三開派八房繇是人文薈萃嘉靖間黼公子文哲任信陽州判濬公子文明任直隸新安知縣昂季有聲官曹其後八房中以儒術掇芹食餼登仕版及武勳授秩者邑志家乘朗然可稽卽公之佳城山高水長千秋鞏固於戲可以想其德矣

觀光

生五百有餘歲之後既不獲出而

少施於世以亢宗增寵今忝籍廣文亦頽然衰且老謹書此吾宗人覽之咸知公福足以庇後嗣尙亦相親相睦以無憾

我先靈當益食舊德於無涯

針六淮祖傳

嗣孫觀光謹撰

古稱三不朽最著者莫如德我 支祖考其庶幾乎 公諱

淮字潮九生明宏治間壽八十一歲世爲湘鄉人

觀光乃從

三百餘年後遙而溯之三百年以上人往風微烏能縷述其

德邪顧亦可撮舉往事之一二以遐想其大德之全焉吾宗

八派祖考祖德公歷葬東陽山之阿下有寺寺東頭志載譚

氏施建之所

觀光

嘗以歲時謁祖墓過古寺摩挲鐘文知大

明嘉靖間我淮祖偕諸兄鑄造洪鐘梓里姓氏源流可攷慨

然想見當年之惓惓於祖宗墟墓之旁畱千秋遺響非甚盛

德何以晚歲篤念本根同襄燉舉且至今生齒殷蕃簪纓簇
集公之芳名流播直與河山並壽也哉謂之不朽信庶不朽

十七文昉公傳

嗣孫觀光謹譔

公諱文昉字明遠號三堂爲淮祖次子實我時楚公之
高祖王父也生前明嘉靖間壽七十七歲生平軼行其詳已
不可得聞今獨傳其手輯墨牒一事顧家牒輯在清晏無事
之時根於樂而易輯在亂離將萌之日迫於憂而鵜觀光嘗
讀明史至隆萬以降心傷當年之炎異頻興邊烽四起苟非
有心者預詳世系一經兵燹後生者散而之四方且如秦越
人不相識死者邱壠荆棘縱橫有莫知誰何者乃公若逆知

沒世後有流離轉徙之厄及是時蒐羅舊遺集爲墨牒使子孫毋忘根蒂卽今派衍十餘傳樸耕秀讀一時明經文學得以求掌故而窮抄世緒陳述舊德賴公力居多後有作者弗可及已

附 文哲公傳

觀光謹譔

公諱文哲字玉林爲 連祖曾孫子昇公孫也父黼以明宏治間生公公具夙慧研究經史外博覽羣書援筆屬文循正嘉矩獲無些子塵氛氣尋補邑庠生以明經出就州判興利除害廉明過人克守官箴信陽士民歌父母焉公從弟東峯諱文明知直隸新安縣少峯諱文萃知四川安縣事其政績

皆卓卓有聲論者方之河東三鳳云

附 文萃公傳

觀光謹譔

公諱文萃字少峯 伯誠公之元孫也祖子經公以明成化辛卯科舉人知靈璧縣事訪秋鶚坊故址亦可想見其風徽矣公又秉姿聰穎肆意詩古文詞自出心裁逼真慶厯諸名家遊泮食餼後尋以明經宰四川安縣勸農課士化洽琴堂婦孺知名有古循良風詩有之繩其祖武公無愧焉

二十時楚公傳

景孫觀光謹譔

公諱一正字時楚生順治初季邁明季兵燹之餘阨孝弟力田克自立產業基趾追念先蹟繼高祖王父淮公志以雍正

十年春率孫維室從姪鴻柏從姪孫維錦維錠維鎮偕族捐
貲鑄洪鐘一座五百觔懸之東陽寺大雄殿平生嗜義疏財
率類此公享壽八十二歲德配周太君佐夫克家服勤習儉
老而不倦越乾隆乙亥承夫志置潮九灣祭田四晦壽所以
光祀典而薦馨香年至九十五乃終方是時子八人存者六
皆耆老策杖諸孫繞膝二十八人男曾孫五十有九及見二
十八人元孫六十有一及見四人蓋太君五世同堂合男婦
食口百數十指可不謂盛歟嗚呼台小子觀光生今思古相
去且百有餘歲矣我祖之芳型懿範不可得而見閒嘗考古
寺鐘碑稽家藏譜牒證之故老傳聞有以知我祖之壽爲世

所稀福爲人所覯得莫非其德之所積者厚而天遂以報之於生前抑又報之於身後綿綿延延以至於今也後起者尙其念之哉

二 澗魁公傳

來孫觀光謹譔

公諱鴻榜字澗魁時楚公次子也生而渾樸與世無爭競不苟言咲篤孝養父沒後奉慈幃益謹母壽逾九旬公晚歲有古人戲綵娛親風味舅孳之蕃盛與荀氏競爽一庭肅然友恭相洽洽家崇勤儉可爲後嗣灋里鄙有義舉樂飲助焉乾隆間重修宗祠復慷慨捐貲不少恡其念篤本根可知也德配楊敬共舅姑和妯娌佐夫教子罔不協於法度公享壽

七十有四楊太君壽六十三歲我曾大父廷超公猶及見之
幸曾大父以先世行誼傳之大父致和公嗣是遞傳不已

光獨嘗卽鄉所聞知者證之於譜牒所紀碑碣所鐫而益歎
衆世俎豆衣冠方興未艾謂非厚德之報與

附二十節母聶安人傳

道光壬寅起修敬譔

志載鴻祧公配 聶年二十適夫三載而夫亡哀毀骨立誓
以身殉翁姑病之旣而婉容謝曰親在兒何敢然捐膏沐奉
養如素飲食必探所喜者進之家雖貧恆多方營辦不少懈
子維銑早沒撫孤孫兆源兆澤教育成家大恢先緒人皆以
爲文萃公官聲清正之報計守節六十四載乾隆四年請

旌崇祀節孝祠建坊塘灣之右其基址去宗祠近百武云

二十一 帝厚公傳

道光壬寅孫起修敬撰

公諱維富字帝厚幼而岐嶷侗儻有遠志居潛魁公季子嬰
析早歲家非素裕甘旨承歡無虛日諸昆待其升潤者雖罄
所有弗稍吝躬勤儉復狷介嘗暮歸拾遺金數十兩坐待達
旦訪其主概還之嘗誡人曰古人揮霍金弗顧不過以潔全
名若道旁遺物得失動爲性命所關尤不可以自昧其生平
遇事見解每於此晚年究心宗緒手輯先輩墨跡源委較然
先考廷超公暨先伯紋佐公克以房帙爲一族倡皆公志也
德配葉淑慎性生克相夫子嗣炊姜績毫不倦勤公年七十

有六母年八十有三皆以無疾考終

帝厚祖義行同治十二年甲戌探入邑志有傳

三十一 紋佐公傳

姪曾孫觀光謹撰

公諱兆瑛字紋佐帝厚公長子也夙敦古處慎交遊然諾不苟少壯撐持家政崇節儉布衣蔬食恆念物力維艱家益豐於財居恆敦孝友訓子以義方於羣從子姪輩常勸誡使各循分自守毋令有浮囂氣尤力廣福田有裨鄉鄰者罔弗樂爲之晚年景孳承先志纂輯家乘會宗族重修祠宇置祀田公捐資無憾召享壽八十有二德配 郭內助合德燕翼式穀宗鄒無間言先公二十三年卒今宗譜將竣公會孫莘樵

司馬誼諉爲傳以示後嗣觀光不敢以謏陋辭迺援筆而紀之

三十一 廷超公傳

曾孫觀光謹譌

曾大父諱兆璧字廷超我高祖帶厚公義行詳邑志廷超公其季子也性古樸敦孝弟持己尙廉介取與不苟有先民遺風居恆寡言笑巖巖然若示人以不可親卽之而誥諭懇切所出皆忠厚語少壯克自創立晚季委家政於子若孫析授貲財繼益置產均遺之先伯祖致中公裔暨大父致和公承公遺業其後竊盛蓋公之以儉惜福以勤裕家者洵可爲後嗣法矣顧不肯沾沾然擁財自衛也鄉邑有建置捐貲勒石

芳名流播且其志尤篤本源嘉慶癸酉主修本支譜爲一族
倡族總祠舊在縣治右塘灣歲己巳乙亥公疊捐修道光辛
巳先大父充總祠戶首糾族置祭田拾伍畊於河東公急義
舉捐重金不少恡祠碑歷歷可驗謂非敦本重倫者與舊居
湘鄉一都案合山北面樓足不履城市暇日課諸孫披閱古
書以自娛以是里社推爲盛德長者卒享年八十 德配戴
孝敬勤儉教育有成待孫曾悉繩以禮灋亦享年七十有七
先公兩載卒 觀光生不及見公未獲縷悉其行事謹据疇昔
所得聞於趨庭時者括大畧以志不朽云

二十致中公傳

姪孫觀光謹撰

公諱起位字致中子三孫十二人諸曾元森然林立今三修宗譜距公沒已八十二年其孫聲浩聲法聲沅來商於

觀光

曰先大父致中公元配劉繼配氏張嘉慶庚午大父卒易簀時以父母春秋高子幼子職婦道一以屬吾大母張太母中年遭故堂上承歡機畔課讀委曲悉如大父在日大父素勤儉好施濟大母布荆操作至老不衰遇鄰里困乏者賙卹出以至性凡橋路捐修無少怙大父素篤根本喜扶翼風教大母克慈惠家嗣協修邑文閣兼勗其仲子偕族建立珠碧塘享堂季子總理事公慎無慚吾儕不獲見大父今念先父先諸父半生撐持罔非奉大母教以成大父志也大母以道

光辛丑卒附葬公塋右舊有誌厥後遷其櫬別就吉壤姪伯
闇之官黔南誌尙有待而又恐大父母之遺行將無以垂示
後人也請爲傳觀光喜諸弟之慤慤有稱揚先惠之盛心而
所述與舊誌無異詞迺綴文以刊諸譜

二十
四
致和公傳

孫觀光敬述

先大父諱起修字致和曾祖廷超公次子也大父性嚴毅不
戲言日蚤起綜理家政家益裕舊居山莊北面樓去里許有
永豐菴者爲譚氏施建古刹里閭月旦大父與鄉先輩嘗往
議焉安良社倉諸義舉解囊鼎力維持處事不模稜持兩端
數言決是非聞者皆帖然服以是名噪一方往者因湘民苦

征歛苟重挺然力爭之冀少蘇民困雖罹无妄之災氣尤壯
繇是胥吏憚其風而浮勒較渺矣大父嘗曰大丈夫但憾無
濟於世耳小有補何難險之足畏謂非其性氣豪邁固生有
自來者邪同邑品端學粹者大父嘗接有加禮咸舉以爲後
學矜式世父先考篤學有文譽實大父作育之力所屬望於
諸孫者尤厚焉大父自奉儉獨於拯人急難不少吝至親中
有寡孤遭外侮者居距數里輒旦夕走相顧臨險絕不爲趨
辟計耗重金亦坦然弗校至今談軼事者咸義之初塘灣宗
祠無祀田道光辛巳大父董族政始糾捐創置常稔田拾五
畝於河東石方灣獨竭誠懇懇率房親輸三之一我時楚祖

裔暨蒂厚公一支襄捐七十金有奇爲一族倡厥後任事者
儲租生息續置祀田永承弗替矣歲乙酉大父主建珠碧塘
才卿祖墓下享堂迄壬寅復主脩宗譜詳支派紀傳銘有條
有理殆深得乎敬宗收族之道歟迴憶成童時侍大父側仰
望雙目炯炯眉長骨稜隆準如截簡然誥誥之拳拳猶髣髴
聞其聲惜觀光與堂兄鼎臣以道光丁未庚戌接踵入泮大
父遽先卒不及聆捷音每念於邑今距大父沒且四十有五
年矣恐它時世代殷遙莫由知大父之操心苦而砥行孤也
敢約畧所見知以示來者 先大母吳氏懿行詳志銘

五十二 良材公傳

道光壬寅

起修致和氏撰

良材諱家棟生而沈毅能識大節家貧食力而動止從容有古儒者風性至孝牽車負米色養無間言嘉慶壬申從父適潭舟泊石嘴頭近岸父跌河良材奮身驟赴出沒波面距父終數武不獲救卒殉焉於戲從井激於救親誰非宰氏負尸勇於薄險無愧曹娥世之媲美休風增光宗祏者孰大於是乃以寒微寄籍中湘身名俱晦謹登之以俟後之能發潛而闡幽者

二十 漢翔公夫婦合傳

孫安艾季良氏敬述

先大父諱家翱字漢翔 曾祖致中公仲子也子四孫十四人諸曾元森然林立可謂極一時之盛矣今四修宗譜距公

歿已八十七年艾生也晚奚足以知公之行誼而爲之表彰也哉然幼時侍先大母沈夫人曾畧聞其梗概公性剛直處世有肝胆遇事不模稜鄉曲子弟每憚其風規待弟昆恩誼最篤對鄉鄰信義可風惜天年不永尋以道光壬寅棄世維時先父方弱冠仲叔三叔俱年幼季叔猶在襁褓又有二姑尙待字先大母遭此大故接主家政一如大父在日荆釵裙布勤儉有加婚男嫁女周詳備至督先父撐持外事井井有條勗諸叔奮志向學不少姑息故諸叔俱有文名厥後孫曾繞膝食指以數十計教導有方一堂雍睦無訾許聲好施予待貧苦恩至渥遇鄰里困乏調卹出以至性凡

地方公益慈善等事捐助無少忒棄養時窮民婦孺環繞涕泣者如喪考妣亦可見先大母之恩德及人大母以同治己巳卒享壽七十有三迄今思之風徽猶未艾也謹誌之以示不忘

二十一 先考嚮亭府君家傳

男聲鸞敬述

歲壬辰聲鸞設教東台山精舍適族眾謀修譜牒譜例載家傳僉謂先君子宜立傳謹就聞見大畧述之府君諱家熙原諱家明字儲慶號嚮亭先大父致和公門子也性孝友先大父治事嚴明辭色不少假借每督責家人府君因以升過數怡然受杖先大父亦諒其心故得其歡凡事多分任府君

維時家頗饒於財佐先大父理家政貧乏告貸者多折券不計終身未一衣絲帛慷慨爲義有善舉輒傾囊飲助尤畱心培護古冢或事關大局爭之必力當嘉道間湘鄉錢糧由吏征解勢足以制邑令有猾吏暴戾恣睢苛歛病民先大父倡議裁減浮費理之公庭厲色斥吏吏聳令令意右吏且自怙過將爲先大父禍府君憤甚盡舉吏之奸狀褫諸當途吏罪乃伏議卒成錢糧積弊賴以剔清邑人輸納者至今德之其有爲類如此府君自幼工帖括應童子試者十九役卒不售課子姪有法度嘗與邑人蕭先生心莊遊東臺山敘次二十餘景偕諸名流分作序銘蕭先生故善書刻之石又刻大字

山甲石壁有長嘯歸何處之句興寄蒼涼猶令閱者向往焉
嗚呼小子鸞生一齡而孤不及訓命親承俾學成有自闡述
府君之所志所學今距府君沒四十餘年課徒是山追溯府
君與蕭先生遊時已五六十餘年於茲矣夕陽山寺獲睹遺蹟
不獨此邦之文獻可徵抑一綫淵源之感且泣然而不能自
已也

述曰懿惟我考潛德愔愔嚴君養志默懷影衾義風蘊骨善
氣根心耽情墳典寄嘯長林寒潭清鑒獨抱古今

仁壽寶亭公傳

男觀光敬述

先考寶亭府君諱家齡字長庚 大父致和公仲子也 府

君素性坦率語出輒根心無片詞矯飾嗜讀書擅討經史手不釋卷爲文有灑度少病咯血遂輟志進取食淡三年有六月疾尋愈及壯魄力益沈雄瞻其貌眉長骨稜聲清越而長居鄉鄙談論侃侃爲人伸不平事絕不辟怨謗知者咸諒其無它道光壬寅先大父主修譜牒府君克左右之以歲厥功湘民曩苦奸吏歛賦苛先大父卹之首議力爭時大令威甚猛府君愚貽累陳諫意且盡及事驗皇然與諸父出濟轄屯卒成大父戡吏拯民之志先後膺族舉經理塘灣宗祠暨珠碧塘祠務常以廉介勵同事誘教諸子姪竟日不稍假後進來謁者必勉之曰若當師古人磨穿鐵硯毋虛度寸陰也每

興至論文雪窗鐙案口講手畫且行且讀里人從門外過者
聞府君聲腴然輒駐步傾聽久之中歲究福善禍淫之旨
與人談因果數戒欺權量傷古墓鄉邑興義舉咸傾囊伙助
捐貲總祠古寺外若馬蕩渡義亭東區育嬰公碑蹟猶存好
施濟值歲荒尤加意焉里有窘不聊生者某氏盜東鄰豚鄰
人偵伺數里許獲贓歸眾好事者趣訟之大令府君憐某之
窘也召鄰人誠之曰若母然必從眾言某固玷名若實招怨
何利之有事遂寢其宅心仁恕類如此先妣氏田先府君卒
懿行詳墓志府君舊居一都北面樓繼遷上聯灣垂三十年
屑杖國之歲威毅伯曾公國荃手題贈語有行茲四德用康

年之旬溯

觀光

自總角承庭訓輒夜半起誥諭切切不少休

甫成童素試必身率之邸游泮食餼後歲科試十有五赴秋
闈者九卒鼎薦不售府君亦弗責終用自慙今三修宗譜回
思五十年前侍府君譜次所夕編摩此景已不可復得未嘗
不嗚咽而歎歔也府君既卒之五年勾會忠襄公志其墓生
卒葬見志銘

三十五 俊明公傳

姻愚弟李定庠敬譔

壬辰秋予甥莘樵顧舍談數日以其族纂修家乘乞予一言
傳厥考俊明公及母氏狀予何能文然及今不傳其懿德善
行後之人亦將無所矜式矣奮筆闡幽其奚辭謹按 公諱

家駒素行嚴正不喜面諛學問期淵博鄙時尙之浮靡作文
務法先正以故文不入時屢試未售旣而閉門授徒里中子
弟皆樂薰陶而成就之性慷慨好施孤寡必卹急難必濟而
於貧寒之士間助束修膏火之費鄰里無力嫁娶殯葬者周
之無少吝至若育嬰孩修橋梁葺廟宇放生惜字生平克贊
美舉都人士至今稱之德配李宜人吾姊也溯自道光癸巳
于歸事舅姑睦妯娌大節無虧他如紡績刺繡中饋烹調猶
餘事耳咸豐戊午公棄世吾姊撫孤訓行悉本義方故吾甥
投筆從戎賢勞王事獲膺

朝廷懋賞歲己丑吾姊下世甥自北上言旋聞訃奔喪致哀

盡禮孝心純篤於此可徵序忝屬嫺姪不揣固陋爰爲之傳以副吾甥表揚親美之志云

五 節母李孺人傳

候選訓導甥許鄧昀敬撰

譚氏輯家乘將成姊壻元臣以其母太孺人狀來屬爲傳譚氏昀所自出太孺人廼季舅霽亭公配也昀自幼聞諸先太孺人中歲又聞諸吾姊知太孺人操行甚悉昀雖不文其敢謝諸太孺人姓李氏少閑姆訓貞靜知禮年二十歸霽亭公不逮事姑外王父致和公治家嚴太孺人秉婦道維謹遇事憚有所忤道光癸卯霽亭公先卒太孺人年纔二十有八孤幃背泣懼傷君舅心長子聲鵠甫七歲次子聲鶚昀姊

壻甫三歲女一亦方五歲拊育恩勤而教誡不少姑息有違
輒加箠楚處妯娌能和未嘗有纖介之嫌致和公晚年立析
券授諸舅太孺人分田百五十畝兢兢焉不敢奢縱屏當內
外井井有條晝則操作宵則紡績終其身習荆布不厭家賴
日益起增置產二十畊顧好施與親戚里郃中貧窶者周之
無所忤居恆不苟言笑附歲時過太孺人家見太孺人端敬
有儀客以同治甲戌卽世春秋五十有九都人士採邑中節
孝上大吏聞諸朝得

旨旌表太孺人與焉贊曰衛詩畱柏舟之句遷史述懷清之
臺凡茲風徽有稱疇昔於虜女子不幸而所天忽失弱雛無

知門祚興衰未可逆觀此其負荷不下丈夫六尺之孤百里之命之任岌岌乎危哉太孺人以一身撐拄卒令二子成立無墜箕裘雖云譚氏之幸抑太孺人之力也今孫曾森秀將以詩書起家天之所以報太孺人者其未有厭乎

二十
六
葆軒公傳

觀光撰

葆軒軍門諱聲彩固與觀光爲 淮祖位下同支舅孺也其曾祖廷美公由上湘遷潭卜居花市叅世忠厚 祖諱起義字仕宜 父諱家漣字漢夔 母氏李生公兄弟三人公居長夙敦孝友明大義舉止端方然諸不苟咸同以來目擊寇氛四起剽掠中原州郡烽烟警礮聲轟居民驚竄紛紛

若鳥獸散遂奮然有遠志詣安徽金陵陝西各大營襄辦軍務旋因陝北肅清蕩平金積堡賊巢經湖廣爵閣部堂官兩江爵閣部堂會西安將軍庫陝西巡撫喬陝甘爵閣督部堂左不次會銜奏保由都司 賞換花翎累加參將副將總兵銜著以記名遇缺請旨簡放矣嗣益見重當路辟公籌議方畧會新疆南北路五次剿平邊寇奉

上諭以提督記名 簡放 賞換固拉洪額巴圖魯名號給正一品封典楚南一布衣參贊戎幄邀

天眷榮膺三代其亦可謂無忝所生者與顧性復狷介疆場馳驅勤勞王事者數十年而囊橐蕭然艾年歸故里樂妻若

子之權迎轉自憾不獲大展於時壯心豈遂已哉往歲商置
祀田固根本義舉捐金勸助無鷄色數過余上聯山莊酒闌
燈炮時談三修譜事末就意若惕然不自安乃今一迴憶而
成陳迹矣我思古人實獲我心秋宵月滿搔首踟躕和墨染
翰追叙其梗概不覺潸然涕下也

二十
西銘公傳

從弟觀光譔

先高祖王父蒂厚公五世孫首屈一指者諱聲金字秋浦號
西銘廼吾從伯來儀公子也生而岐嶷器宇軒昂倜儻非
常稍長究心六藝見厄於有司遂絕意名場逾弱冠失怙獨
行踽踽撐撐門戶遵先民法度擢節治家饒裕倍疇昔里黨

中有是非往往得公一言而渙然冰釋迄粵寇作騷擾湖湘
間公會邑紳奉行團練賴有備寇不敢逼境同治年躬秉
族政有條不紊捐重金襄葺宗祠重修先人施建東陽寺不
斤斤然錙銖是惜嘗經理邑義學措置悉當考棚舊建漣濱
書院右近試士益眾公奉張大令委恢廊舊制增修之士
林稱便邑志彰彰可攷居鄉尤多美舉橋梁義渡外如育嬰
卹孤抹濟愍愍今其家尙循例不廢晚歲朱顏青瞳須且髯
髯然若雪玉之白望氣者美爲福人其子遊泮掇芹世有業
儒皆公教育之力也歲壬辰冬初其孫邦杞兄弟以公狀來
勾觀光爲傳旣不欲以老拙謝亦何敢阿其所好謹約畧敘

之以告公後嗣之念舊德者

六十一 心鏡公傳

從弟觀光撰

歲壬辰夏五月彙纂家乘將付梓 先從兄心鏡冢嗣伯闇
時官貴陽書來屬爲心鏡公立傳謹按 公諱聲河字蓉閣
心鏡其號 堂伯漢翔公長子也公才敏少不得志於文場
遂絕意進取踰弱冠失怙其時舅弟四居仲叔者未及成童
季弟纔一歲有奇耳賴公力撐持家中婚娶事一稟慈闈之
教克遂其歡心率諸弟篤志厲學仲氏得屢試拔前茅處世
多幹畧智慮周詳評里鄙是非相機立斷於公事多所裨益
咸豐間寇氛四起都人士推爲團練領袖籌防衛匪黨多歛

跡去旣而膺族舉任塘灣宗祠戶首捐重金倡眾集款修祠
宇益祀田復清退東陽寺東頭佃錢數百緡東陽寺者邑乘
志吾宗施建之所也寺僧踰清規負債累寺寺田幾歸烏有
公克復舊蹟重新廟貌尤厘念祖塋若貓公嘴高坪頭茶園
山七畝園各周數百弓地濱原隰督役夫悉障以沙石塋域
賴全季來觀光以廣文賦閒居接董族政每檢公碑文遺蹟
輒深歎想迴憶三十年前余方課生徒日擲經史公數過齋
中談論間共商固根本光宗緒要舉余深韙之公竭蹶經畫
咸同以來終歲未遑宴息也公遭母喪後舅季益友恭相洽
雍雍一堂食指以數十計終公世不析箸其亦有古義門風

與今冢嗣著循聲眾子諸姪多克自振起奮志藝林論者謂公作育有素抑亦祖靈默鑒佑啟未有艾也余老矣其文辭不足以傳公伯闇勉瘁哉恢若考之志建績廊廟他日之顯揚我公當更有進乎是者矣

二十一 心鏡公續傳

男安艾季良氏敬述

先大夫心鏡公生平行誼我房三修譜牒房叔膏丞公會爲立傳似可無煩贅言矣然所誌者大畧而細節茫然猶未足厭後人之觀聽也因爲補述之 公爲先祖漢翔公長子兄弟四先祖早世公方弱冠克自立緣父故棄舉子業理家政井井有條暇時博覽羣書隨事研究不少倦故星相醫卜無

一不精下筆千言倚馬可待且斬釘截鐵無懈可擊蓋筆大如椽心細如髮者其事母也克諧以孝早出暮歸必至母前詳告所作纖悉無遺恆令聽之歡然後而退咸同間髮逆猖獗公帶團勇防堵雲湖逆不敢近我湘賴以無虞邑宰敬之爲呈獎修職郎王壯武公知其才欲公出督兵公意以顯親揚名爲孝允之詎先祖母聞之涕泣累曰公曰母旣不願兒遠離膝下辭謝可也何憂爲於是安居事母如故其順從母意類如此在家督諸弟勤學俱有文名遇弟壽必衣冠慶祝致敬盡禮其友愛弟昆有如此者而諸叔等亦事公如父凡事聽從不少忤故合居數十年食指繁多無詬諍聲亦

以見 公之治家秉至公無私意也 先慈葛氏夫人剛四

旬捐館 公篤於夫婦之情絃斷不再續鰥居多年守身如

玉鄉里謂公生平無二色非易易也生艾兄弟四 公教之

嚴而正每坐堂皇望見顏色非有事不敢趨而過所謂有威

可畏者非欺教本義方卽細微事亦不吝偶有違犯憶同治

崩駕之年值元宵本廟厯有獅燈之戲同人欲循舊例約叔

兄叔兄偕行翼晨 公知之怒甚謂國服寧不知耶欲重責

因諸父勸罰跪香示戒亦可見我 公教子之嚴細行必矜

也公處世有作爲遇事有擔當憶我塘灣宗祠頽敗不堪修

葺匪易皆以費鉅莫敢任其事公見之曰先靈所在敢畏難

難哉族中人壯之 公立即興作未幾事竣用費省而成功
速族中人莫不交口頌之旋舉爲族首 公任事後整族規
益祀田修祖塋躬親紀理日不遑處遇艱鉅任勞任怨族中
事無大小 公至立即解決猶憶堆冲房有訟事經官久未
決頌 公去立即消滅又濟房族伯因祖墳事與王姓勢豪
訟邑宰偏袒理莫伸 公閱王姓據得其隙創詞以進事遂
直副任地方都總於本都事尤爲殫心竭慮修廟宇造橋梁
裝佛像設義渡置社倉立育公凡慈善事罔不籌畫咸宜至
於雀角鼠牙之爭片言立決自 公在事從無翻悔是以至
今猶膾炙人口生平愛抱不平見欺人太甚事雖祇一面亦

必力爲爭持曾見穴家冲劉姓婦爲人掠賣至再雙方構訟
公知挺身出力仍令破鏡重圓並經官斷給錢百千 公爲
掌積生息代置田拾畝劉姓遂小康其餘伸冤理屈之事難
更僕數 公棄養時房伯西銘公誄之曰遇事著真爲鄉里
宗族用盡一生心血信不誣也詩云不侮鰥寡不畏強禦可
爲我 公頌之矣夫諺有之曰聰明正直即可通神我 公
在世每作事頻有吉神阿護記修高坪臺祖塋時夢中有老
人告之曰明日須囑工作小心不然恐履不吉 公異晨卽
召工人戒之午後有一工人失慎竟爲土蛋所傷幾斃命工
竣復夢老人邀至坪上指示曰墳山粗已定未收一枝花

公醒恐尙有閨女墳未修及者並尋各處小冢培補之迨後諸叔因曾祖父壽藏不佳改葬該處 公久出至是始歸觀改葬處因憶之曰此卽老人對我指示兩語之處也龔姓地師云此乃蓮花地一枝花今爲 公收之矣又 公所葬桃子托亦係老人指點得之當作古之先一年夢老人引至大廬高懸匾額殊書明師點五行備金鍾玉粹將軍仕衛小刷大洗深梳淺篋生尅尅生鏡立得位醒後覓簿書記至末了 一句頓忘然獲地恰與夢語符惟中有數言索解難未幾老人又入夢 公因以小刷大洗深梳淺篋求解老人曰小刷大洗開穴的深梳淺篋理氣的又問末了一句老人曰不記

隨他旋有謝姓善扶鸞術批出始知爲鏡立得位蓋我公
次年登仙之讖也公遊陝甘時老人亦跟踪而去示夢曰爾
先生前一塊未圓兩塊齊弦方得萬全公函告諸叔恐祖
墳猶有未妥處嗣據諸叔言我家近邊有一吉地與此四言
適合將來或爲我家所得未可知也獨念老人屢次示夢語
言古鑒非俗人所能意撰斯亦奇矣亦可見我公正直通
神之一驗而艾生也晚公以前事蹟見聞者少奚足以盡
我公之歷史也哉但所知者若秘而不宣亦恐歷久而湮
沒無聞故筆之以示後世子孫庶後之覽者或知公德而
有所興起云

二十
六
鼎臣公傳

弟觀光譔

先兄鼎臣既卒之二年三修宗譜觀光與兄懷弟翰臣茂才
商傳兄狀茂才擬爲兄志墓以傳屬余時兄季子紫衡侍座
間且以請因按 兄諱聲洋更名恩榮爲 世父嚮亭公子
生長余六月有奇甫垂髫學同塾承世父與先考訓一鐙一
几昕夕怡怡嘗肩隨應童子試 先大父致和公望甚殷余
年十八受知學使梁公越三年兄既冠受知學使車公時道
光季年庚戌歲也嗣兄日肆力於經史子集秋風文戰絛歲
弗輟卒不售士林惜之中年鄉里欽其沈毅贊公務多所維
持性慷慨不屑較錙銖戚鄰待其通融者貸金貸粟不稍忤

未嘗取券以責償論者歎季世擁財自衛刻薄寡恩者亦可
聞風少熄矣既自恨半生稽古未能躋通顯以榮親奮然爲
四方之遊歷首陽過廈門栖澗水驅車秦嶺度玉關而西轄
阻備嘗又以骨傲辯短恥求合於時屢出山而清風兩袖撈
家報國素懷多未竟事晚歲以勤儉策躬以成立督眾子諸
孫冢嗣金鎔屢試擢前茅皆兄教也尤厯念本源凡祖塋下
置產厥祀諸義舉咸樂與倡眾籌議乃造物者弗假之遐年
逾周甲而逝不獲休養林下聚天倫至樂且共事譜次俾余
少省勞頓焉悲夫寒窻阿筆爲次其行誼附誌所感後之覽
者當復何如

二十膏丞公傳

男漣禧敬述

府君諱觀光字膏丞生而穎悟四歲受書成誦過庭問難無
虛夕族叔起湖廉孝由蜀都來一見奇其器宇曰是子可造
年十八郡試拔前茅遊泮水 府君不以年少入學自矜滿
益篤志勤修歲科試屢列高等食廩餼咸豐初洪楊起事湘
人士爭以武勲博高位曾文正起而治兵忠義繼之少與
府君同籍學官以 府君沈厚有學術特敬禮之屢聘叅軍
事則推以親老寡兄弟弗忍離慕船山王氏之風嘗携其遺
集以自隨逮考明經就廣文職年垂五十餘矣而學道愛人
益篤主講漣濱書院以植品敦行爲先生徒數百每課文必

詳加斧藻鷄鳴弗輟從學者試多獲雋咸感焉退而名所居
曰尋樂軒檢校舊作如漱六山房文草尋樂軒集皆 府君
手輯挑燈擁几曰吾以終吾年耳 府君性至孝晨昏定省
生平足跡未嘗越湘水 先王母病癰治湯藥拭潰膿終歲
無倦色逮繼母歿哀喪盡禮如所生究心誠正修齊之道推
暨尤廣軍興之際宅前署聯祝堂上壽願天下安蓋雖不事
王侯猶念痼瘼也里設育嬰社懼積久弊生手訂規條數十
則邑賓興義學所以振興人才者 府君慘淡經營如治其
家兩任族首舉孤寒節孝別類而旌恤之尤惓惓於累世之
先學建廬置產泐名以記之族固大派繁 府君主纂總譜

復編支牒十四卷叅諸志乘誦諸碑碣費節而功鉅邑族無
賢愚皆敬佩之年七十五疾終里第

小子時

時官江蘇攝武

進縣篆奔喪歸葬遠近來弔者多致誄詞咸深歎感

痛泣輓

云溯派追濂洛關閩七十年儒林浚濯立品爲宗手澤撫先
型尙賸圖書垂燕翼奉命越吳山楚水三千里宦路奔馳深
恩未報心期虛後起空啼泣血咽鵲聲時甲辰春暮距府
君歿已兩閱月矣竊念先人以養親之故秉遠遊之戒視可
冀之高爵厚祿棄如敝屣卒能奉先王父母以終其身

小子

亦生寡兄弟徒欲以捧檄博親歡戀斗斛之祿羈棲異地

身膺大故而殯殮不親遺訓莫承撫躬循省尤何可免也

六十二 菱秋公傳

族姪安煦謹撰

公乃吾族中盛德人也形像莊嚴生平不預外事以讀書名世工詩文書法應童子試屢拔前茅制藝出人爭鈔誦邑中人無不知公者然卒不售有爲之鳴不平者公飲酒自若毫不介意教讀多載規最嚴講解終日不倦生徒濟濟盈堂束脩不下百餘金館號樹人書屋嘗署聯以警及門琢成人才不少公幼失怙事母至孝嘗誦經祈福母病危衣不解帶者數日臨終哀毀異常課讀之餘以孝弟勗諸生遇講書至孝弟章諄諄解釋然後已鄉閭子弟擇師者爭先投謁以不得及門爲憾公通醫理遇危證行方便投之無不立效時醫佩

服焉公初不諳地理同治年因爲母擇吉壤頗好山水遊頻
嘆此道實難堪輿家罕覲能人屏棄試業博究地書遍歷深
山窮谷閱先民名墓十餘載心血悉於地理耗之至其自卜
佳城豫得神示有湖水映青巖之句後果購地水繞山環與
神示相合用是暢然意滿晚歲於尋山問水外別無嗜好而
從前之係戀於胸者一洗皆空噫公超然物外領無限樂趣
視世之爭名趨利者相去奚啻霄壤耶公爲漢翔公仲嗣諱
聲湖字冠鰲號菱秋享年五十七歲

六十一 昆吾公傳

表弟許鄧昀譔

君諱聲洸字昆吾先太孺人從父兄子也咸豐乙卯先君館

會氏家塾君負笈及門余時隨侍得昕夕與論文史析疑難自是交君益密悉君生平頗詳君幼失怙事母以孝聞昆弟四次居三子姓繁衍男女數十人同室共爨一粟其伯兄心鏡治家程度藹然雍睦終歲無訥諍聲性豪宕善飲聲如洪鐘每談笑一座皆傾間喜雜滑稽語然坊表仍自秩然猶憶同研時朋輩聚談偶涉入閨闈君獨學金人緘口甚且正色責之其飭躬嚴謹弱冠有如此者屢應童子試不售人勸之投筆就戎幕當是時粵逆猖獗湘中魁傑爭以戰功起家君顧以母老不欲遠離鄉井鍵戶奉菽水與諸兄弟依依孺慕博謔室歡素善手談客至酒酣布一杯角勝負子聲鏗鏗然

嘗曰某善攻某善守俱非大將才指揮若定不失綸巾羽扇之度者其誰其自負正與魏叔子所傳獨奕先生畧同中年佐仲兄菱秋課子姪讀曉以大義今其伯兄冢子希杜以勞績保花翎同知直隸州初權苗廳通判篆有政聲庶幾能成君志與公晚好遊名山季弟勅堂修青囊術得古仙秘訣每與余論相地之法斷斷焉不少恡余卜吉葬親獲益良夥君既沒此後攷證又少一人思之輒愴懷不已子男子四人能勤儉不墜家風沒後數月季子安藻以狀來乞傳爰敘次其梗概付之刊諸家乘俾來者有稽焉

壬辰冬仲之既望漫天風雪燈寒夜靜榻冷眠遲迴憶我弟
賓臣謝世忽忽二十有六季撫今追昔感切松楸竊願有所
以紀之者 弟諱聲清爲 先大父致和公諸孫次居七固
觀光從父弟也生而敦篤渾渾噩噩幼學時舉動安詳道光
戊申 先伯父嚮亭公捐館弟年方十四失怙後知自檢飭
萱室奉晨昏婉容根於深愛接尊長恭待舅弟和未嘗一日
有疾言遽色其天性然也生平嗜讀書沈潛達理不繫心外
事居鄉鄙恂恂絕世俗囂凌氣布衣蔬食淡泊自甘稍長試
童軍列前茅旣以運蹇連不得志於有司棄試業杖策如劍
南所志終亦不遂逾壯而逝良可慨焉幸淑配清操凜冽母

兼父道育二子克成立有父風家嗣鏡軒仕新豐官箴無玷
今歲三修宗譜弟季子韻樵適家居襄事譜次人咸稱謙約
周慎類龍伯高宜亦我弟潛惠懿行可以邀冥冥之眷而克
昌厥後也乎余日拭目俟之

六十二計譚節母傳

姻世再姪陳毅謹譔

譚節母彭氏湘鄉處士諱聲清之妻邑庠生諱澤中之女也
厥母固以柏舟聞而經表閭者節母年十六于歸孝事孀姑
克相夫子爲族鄰鄉鄰所推重百喙無間言譚君以屢躋名
場客蜀同治戊辰夏病沒於旅時有二子長克安次希安而
節母歸譚甫十有二載矣聞噩耗遂捐簪珥質衣襪慄慄然

以之死靡它自誓迨柩歸晝夜悲號哀毀骨立其樽節以襄
大事皆中禮則旣而撫其孤而黯然曰此先夫子之遺也得
勿俾之成立乎於是或教或娶以母道而兼父道者亦有年
嗣後克安以從平回匪有功授新疆疏附縣巡檢希安亦稱
克家莫非節母之備極艱辛疊疊教導以成之者故畧紀梗
概式彤管焉

二十勅堂公傳

姪安艾季良氏謹撰

先叔諱聲法字力生勅堂其號也 先大父漢翔公子次居
四 大父捐館時 公尙在襁褓稍長性最倔強人莫敢撓
惟於兄長前極盡恭順之道自孩提以至成人一舉一動無

不惟兄命是聽故家庭聚首怡怡如也憶先父心鏡公總理
族政暨爲一都都總時事務紛繁一人實難肩任幸公隨
兄助理始克名噪一時自是而後公閱歷愈深見理愈明先
父歿公繼之於地方公事多所裨益評里鄙是非相機立
斷聞者皆帖然服故雀角鼠牙之爭投訴者踵相接嗣因
先大母吉壤難構博究地理徧歷名山大川搜閱先民名墓
多歷年所後獲名師指點於斯道頗有心得繼遊黔貴過其
地卽知某山有大結構某山有小結構不啻先履其徑焉潭
邑神山李姑丈守臣延公覓吉安葬先人心不定請決於
此適值救貧仙師臨壇批云欲覓吉地問吾徒譚某可也又

云譚某非吾徒卽吾徒也以救貧仙師而認之爲徒可見公於此道已得三昧矣今音容已杳曷禁想像勿置

六封元臣公夫婦合傳

男安迪敬述

府君諱聲鶚號元臣清授從九職銜名顯忠 先王父霽亭公次子也甫三齡而王父捐館全賴 先王母李太孺人拊蓄成立年未冠佐先伯父分任家政諸事悉稟承王母及伯父而行孝順無違率類此逮中葉先後膺塘灣宗祠暨珠碧塘祠務又總理社會各公不苟毫末性剛直處事有斷或遇固結難解事必多方勸導以不成訟爲期光緒壬辰歲監督宗譜兼理財政約而又約是以功成有餘裕焉凡屬公私大

小事無不出於至誠故迄今猶令人稱道不置 先妣許鄧
太君本邑清恩貢候選教諭時遂公第三女幼嫻姆訓習禮
儀年二十歸府君綜理內政井井有條事姑嫜以孝聞和妯
娣睦姻婭尤好周急稱家有無不少恡平生喜閱佛經信因
果遇天災水旱每存己饑己溺之懷有年旱魃爲虐虔誠禱
雨私許匾額烏石峯寨主神前旋降甘霖因自譏神乎其神
四字獻之足徵吾太君有先憂而憂後樂而樂之遐思也歟
溯吾 考妣結髮五十餘年伉儷情深毋纖介嫌 先王母
青年守制憂勞過度剛艾年嬰輒脚疾艱於行 考妣同侍
湯藥並力扶持近十載毋稍懈歿後奉祀至禪祭始撤靈升

主其不忍棄親有如此者鞠育

安迪

兄弟四妹一

安迪

居仲

兩弟幼殤惟

安迪

奉命業儒光陰虛度未獲成名爲恨伯兄

三十物故妹方二十未嫁而逝

安迪

幼時偶有錯謬

太君

從不姑息大有陶孟鍾郝風

先考妣生命同庚

太君體

素清癯早

府君七年作古壽七十有七

府君壽八十四

均無疾而終眼觀四代

先考妣可告無遺憾矣茲值四修

譜牒

安迪

膺推襄理纂修事暇時援筆述其梗概以俾後嗣

觀法云

二叔翰臣公傳

世愚姪陳爾錫謹撰

公諱聲鸞號翰臣生甫一齡卽喪父長好學通經史黃君正

齋主講東臯深器之年三十舉茂才應鄉試鼎薦者四訓子課諸生以身率先不嚴而教自行清光緒間邑人舉公充團防局長時值天災盜賊起公則籌荒政請賑捐不以捕盜爲能縣治翕然適福音教初來湘土士民咸詫異之邑令王公祖蔭以問公公對以士民意見務在潛移默化而已王公以爲然未幾燒毀教堂案起有欲文致士紳禍者公自問無愧毅然不以爲意而王公亦深知公平日謹慎而弗之信得免於難縣之東有東臺山山之巔建奎星閣厯置祀田上中里欲指爲共管爭之甚急公不惟勿與爭並示以至公惟勸其各出捐款以擴大奎星祀產事遂寢迄至民

國公嗜古尤篤手不釋卷置理亂於不聞斯覺公仲子也上書各大總統請變更官制民業未獲施行公以知命最之公將逝之旬日其季子引之委任桂陽縣司法署長公送之行猶戒以勿妄刑人後數日以無疾終享壽八十二歲吁公之生也有自來其逝也有所稱蓋由其學道有素故其一生行事措置裕如廩廩然有德讓君子之遺風焉

仁淵伯闇公傳

弟安艾季良氏謹撰

艾生也晚父母早世所持以成立而至於今者皆諸兄是賴而先兄伯闇待弟之厚愛弟之深尤異尋常故去世逾十稔常惓惓焉不去心況其持躬之正大處事之剛方尤有令

人景慕不忘者艾承房眾公推彙纂家乘因不揣固陋聊紀其大畧於左 兄諱安芝字陶階伯闇其後字者也兄弟四

先大父心鏡公長子生而岐嶷器宇軒昂倜儻非常幼精四體書法名噪一時在籍小試不得志於有司遂效班超投筆入叅戎幕嗣入陝甘籍補庠生食廩餼學名釗一因軍書旁午不獲鑒戰棘圍從劉襄勤公走西域歷沙漠飽受塞外風霜洵艱苦備嘗矣駐軍烏魯木齊襄勤公奉 命赴伊犁肅清邊境幕中人俱不敢往因遣人詢兄 兄云公命誰卽誰何詢爲於是兄偕行勾當數月獲隨摺保獎以同知直隸州知州用旋北上覲見以知縣籤分貴州更名希杜登仕版

兢兢自守尙氣節不屑夤緣然各大憲知其才皆器重之捧
檄歷署都江理苗府通判清鎮鎮遠甕安等縣知縣永寧州
開州知州護理鎮遠府知府所至有聲政無不舉廳事前懸
設身處地區聽訟時遵區語再三審慎惟恐弗當如得其情
照理直決雖上官大僚說項弗聽也其居心仁厚爲何如者
清時差役多而酷受害者難更僕數每縣或千人數百人不
等 兄下車點卯見之歎曰此等虎狼下鄉民衆無瞧類矣
立即裁汰畱數十人以備傳呼而已卽此一事已見慈惠在
民故解任時黎民香花跪送者絡繹不絕有脫靴換帽者有
送傘掛匾者又豎立去思碑每在通衢大道而吾 兄之去

思碑卽偏陬僻壤亦植之非仁德之入人深也曷至此宜乎
吾兄之子若孫森然林立蒸蒸日上也後啓者覽之尙其
勉旃

仁壽伯闇公次傳

男邦屏敬述

我房四修宗譜胞叔季良爲先嚴伯闇公撰輯傳畧情形
酷肖微嫌事實未詳故重敘之公爲先王父心鏡公長子
生而岐嶷幼有大志旣就外傳不喜事帖括湘潭有邵仲修
先生者究宋儒性理之學公慕其名負笈往訪之先生贈
以性理精義一書公視若拱璧日必取讀爲塾師所禁蓋
當時風尚舍制義外皆非士子所宜習也公憤然曰方今

天下多事吾人日守高頭講章不務實用將奚取耶乃去而從戎時清同治十一年 公年二十七歲至甘肅投入劉襄勤公幕任總文案從征新疆爲劉公所倚重事多諮詢以功授同知銜補用知縣簽分貴州於光緒九年到省歷署都江通判永寧開州知州兩署鎮遠縣暨清鎮甕安等縣知縣並護理鎮遠府知府所至有聲德政如設義學開文教置官醫立藥局減賦稅重民命等事更僕難數而永寧尤多可紀焉初永甯知州沈毓蘭在任十一年以昏庸去職 公接篆檢閱差役列籍者多至千數公僅留其精壯馴良者數十人餘悉革除一時譁然云將不利於公 公曰差役民之蠹也衙

中多一差卽民間多一蠹吾爲民除害耳他非所顧也先是
邑中盜案疊見城野騷然 公至擒誅渠魁數人盜風遽寢
公常微服私訪莫有知者有寡婦以藏金千餘被竊訴且泣
盜經旬不獲一日公自外歸遽箴拘某書吏子至蓋卽竊寡
婦金者一鞠而服或問何以知之 公曰吾數至某酒肆輒
見三四輩酣酒肆中囊金若甚豐者察其舉止狀貌俱非善
類疑之訪知中有某書吏子故試拘之初亦非所能必也一
時頗爲神明又有以田爭訟者 公驗所呈印契斥爲偽造
出州印勘對則右角有微缺而僞者無字畫粗細斷續亦未
符訟者稱於某年月日實經戶書王某投稅者傳王對質王

知不能隱乃盡吐實蓋沈令之前爲張令有稿案周某曾刻有木印張令郇任周亦隨之去其印猶存戶書彭某家至是已十餘年矣 公令拘彭則已聞風遠逃僅拘其妻至索僞印云已火之矣清律私刻官印者無首從皆斬 公以周某不知爲何地人無從歸案乃以摹印定讞摹印者繪印文於紙罪較輕乃處王彭徒刑彭在逃候通緝歸案執行案以是結然民間僞印契不可不究也左右謀者謂民間已稅之契當令呈驗否則他日發見僞印契匪特不可爲憑且將獲罪如是未有不呈驗者矣驗而僞者令繕新契而取稅焉民不敢不從得利當不可計 公曰朝廷設官何爲者僞印出自

官衙貽害民間數十年而官弗察官之於民負疚滋深今幸得發覺差足以告無罪於民而已安可借此圖利以速官謗乃出示凡有印契者限期呈驗僞者給官紙飭吏代繕納紙費繕費各百文不論大小契不另取稅價公日坐堂上親自勘驗僞者立令更繕當堂蓋印卽時發還不稽延片刻旬日之間得僞印契千餘紙計其稅值當逾萬金清時契稅不納官庫爲官所私有所以津貼州縣也 公以重稅病民而弗取民心歡悅豎碑頌德徧及里閭 公稟性剛直貌嚴重有威而宅心仁厚每鞠獄囚咸股慄莫敢仰視公故和顏悅色從容誘導使得盡其辭皂隸咸呵叱不威必嚴止之聽訟不

厭繁細咸竟日坐堂陞無倦容察有冤者獄雖定必爲平反所不以爲直者雖上官之命弗受嘗因案與大吏抗爭致觸大吏怒卒以是獲譴於清宣統三年致仕歸家無餘蓄常苦不給而公怡然自若持躬有法度黎明卽起飲食有節數十年如一日民國四年冬公忽中風手足拘攣口噤不能言閱三年乃殂年七十三歲嗚呼以公之德不應有是疾也而竟以是疾終所謂天道果足憑耶公好作擘窠書四體俱遒勁有神晚歲手不釋筆或謂公運力傷筋血氣衰而病作豈其然歟傳曰有善而弗稱不明也無善而稱之是誣也

弗稱

幼年於

公之事蹟多弗識謹就其所識者識之以見

其概焉已爾

二十景陶公傳

男衍敬述

府君諱漣禧字康潁晚歲更號景陶 府君生而穎異爲

先會祖所鍾愛親自課讀 先王父日加繩墨舉藝之外尤

究心經史子集喜治詩古文詞願屢試不得志遂無意進取

書室常署聯云看世上英流誰能快活到死去問此間居士

自甘淡泊了生平佐 先王父經理縣邑鄉族之事暇則課

子讀書兼饒餘興蒔花幽軒種蘭百本意度翛然洎光緒己

丑勉奉母命入場得補庠生時年已三十有二自此以後而

府君遂撓世網無復甯歲世上英流不能快活到死豈識

語耶棘圍兩戰不利始以家敝出叅戎幕旋納貲入官需次
江蘇復十餘年歷任金匱縣典史望亭司巡檢武進縣丞署
武進縣事政無不舉所至有聲每議興革條陳利弊輒爲大
吏所嘉納時滿廷親貴用事排斥漢族 府君極言其應調
和上書當道不稍諱飾同寅咸交口贊歎如此君者匪僅百
里才也 府君治事精詳無論乘田委吏亦思盡其職守不
忍曠逸 先王父性嚴正每遇疑難 府君咸左右之事克

有濟 先王父嘗嘉許之謂他日可使從政有長官與屬吏
構釁 府君疏解不聽卒兩敗俱傷人服其先見民國反正

府君厭倦風塵解組歸隱慕陶靖節之爲人更名曰潛字

景陶別號挂官隱叟著更名記以寄其意林泉優適方冀遂平生淡泊之志紛乘問難就正者踵至被舉總祠族首適構始祖塋墓之變府君告祖誓眾聲與淚下口講指畫手不停書深宵不甯者數月雖事得伸理然勞瘁不堪矣生性儉約自奉甚薄晚年精神雖矍鑠而清癯日甚壬戌冬暮得疾僅數日而遂不起著有潛齋詩文集稿可盈尺駢散咸有皆一生心血所萃暇當整理編爲成帖以詔示後人是亦小子之責也

譚母王太孺人八十壽言

誥授光祿大夫布政使銜前任山西按察使總統江南馬步各軍南洋兵輪奇車伯巴圖魯姻世愚姪陳湜拜譔

自古賢母能探爲善之原以訓子者莫若魯之敬姜其言曰民勞則思思則善心生逸則淫淫則忘善真有味乎其言之余謂人生壽夭亦由勞逸所致我國家重熙累洽講求休養生息之道氣運日見發皇物產日形豐博而媮安息惰之氣亦遂駸駸焉潛伏其間而不覺始猶仕宦之家然也久則及於士庶始猶紈袴之子然也繼則及於巾幗故合數千年之運會計之上古之人多壽叔季之人多天合一代之運會

計之百年以前之人多壽百年以後之人多天無他勞與逸而已矣如吾鄉 譚母王太孺人者有足徵焉孺人年十六歸 嚮亭先生先生故好學負笈外遊嘗語 孺人曰吾父母性嚴明母又善病祖父母皆衰老吾外出女能事之紆吾憂矣 孺人曰君其一意於學不宜以內顧分心由是奉甘旨調藥餽飭盡婦道不敢告勞久之舅姑知孺人之孝謹也家中瑣事多委之孺人益夙夜竭蹶先家人而作後家人而息不怨不矜惟皇皇焉以未能貫舅姑之勞體舅姑之心是懼嘗以署月侍姑疾不暇燂湯時取冷水以自洗滌因是邁瘡疾幾不起姑疾革時語孺人曰女竭力事余沒而有知當

女乎是佑先是王父臨終手出一金謂其舅曰某孫婦事余克謹以此畀之一則特獎於臨終一則願佑於沒後此其孝行之彰彰者又數年舅病經年以沒時嚮亭先生以苦學致疾又值哀毀之餘展轉床褥旋以不起孺人侍疾奉藥不食者或終日不寢者或旬餘蓋先後已十有三月矣噫

孺人之克盡婦道如此固由天性敦篤所致抑亦敬姜之所謂勞則思者與蓋勞則心斂故思出於善心斂則神全故多壽此理之相因者也今光緒九年嘉平朔九爲孺人八十壽辰其令子鼎臣昆仲以書抵予乞余文爲諸君子祝壽之引噲昔趨庭問學與鼎臣共覲席勤而忘勞先大夫深器之

其年補弟子員弟翰臣亦相繼入選大都以不自暇逸克底
於成余交鼎臣至篤旣稔悉孺人之賢而歎鼎臣昆仲之
致此爲有自而姻婭傳述聞之益詳以故先太夫人在日勤
約自持猶常舉孺人之克盡婦職以教督子婦今鼎臣之
言曰予母一生勤勞今年屆八十凡一切紡績縫綴澣濯之
事猶多躬親子婦請息則曰柰何欲媮情吾手足開一家浮
逸之漸乎予益信孺人之賢宜其子姓之霞蔚雲蒸而方
興未艾也予方于役金陵總統江南軍務不能登堂介壽因
節次孺人之懿行所以惜福遺後之故與得壽之由以爲
稱觴之資云

谭道源传（公元1887~1946年）

国民军陆军中将，湖南湘乡人。谱名邦孚，号逸如，行恢五。1887年生于原湘乡县同风乡横铺—萧家冲里的沙子冲（今湘乡市梅桥镇麒麟村沙子冲）。小时无钱升学，一直在家务农。1903年16岁时由伯父谭椿年引荐，考入湖南陆军兵目学堂。1905年经蔡锷挑选，同岳森、雷飏等20余名同学，派到广西桂林筹办陆军学堂及任教官。1906年11月，谭道源加入了孙中山的同盟会，跟随蔡锷前往昆谋。1911年春复随蔡锷赴云南襄练新军，举兵响应武昌起义。1915年12月襄组护国军讨伐袁世凯，历任云南陆军军官学校讲武堂训练员、第十九镇第三十七协参谋、云南都督府机要参谋、四川督军署电报局上校局长。1916年蔡锷病故之后谭道源返回湖南。次年春谭道源任湖南永属区谢国光部参谋处主任。随后，归入谭延闿麾下，并深得其器重。1918年吴佩孚与谭延闿暗通款曲后，谭道源一同来到衡阳，参与驱逐军阀张敬尧之事，其后出任湘军第二混成旅第十三团团团长，参加护法、驱张、反赵的诸战役。1923年任湘军第三梯团少将司令，援粤驱陈（炯明）。1924年1月谭道源出席国民党一大会议，赞成孙中山三大政策。4月5日任建国湘军第三师师长。1925年1月5日任广东南雄守备司令并任湘军整理副监、讲武堂教育部长，参加平息江西军阀杨（希闵）刘（震

寰）叛乱。8月任国民革命军第二军第五师师长。1926年7月谭部奉命北伐，从南雄出发。9月1日越大庾岭，赣南守敌杨健生、杨义轩不战而逃，谭部直取大余、南康、赣州、吉安，乘胜追击，连取峡江、新淦、丰城直至南昌附近。此后协助程潜的江右军挺进长江下游。1927年3月23日攻克南京。『四·一八』宁汉分裂后，谭自滁州率部归附武汉政府，在湖北黄梅与原第二军各师及民众集会，通电反蒋。5月21日抵武汉任第十三军副军长。7月谭率军东征讨蒋，至芜湖，适逢蒋介石通电下野。次年1月1日任陆军第五十师师长，辖罗寿颐、成光耀、李云杰三旅。不久，兼任湖南『清乡』第二区代理指挥官。1930年11月至1934年谭奉命参加对红一方面军的『围剿』。1934年8月谭部及所属朱耀华部驻茶陵对湘赣革命根据地地进行『清剿』。11月中央红军长征后，谭兼任南昌行营赣闽第五绥靖公署司令官。1935年谭道源授陆军中将衔，调庐山军官训练团任军官团团副。同年夏任第二十二军军长。7月被选为国民党中央监察委员。1936年3月谭道源任第三『清剿』区指挥，『清剿』万载、宜春边区游击队。1937年国共合作后，谭道源授命第五十师派出代表与湘鄂赣边区红军在湖南平江开始谈判，旋即达成协议。边区红军改编为新四军第一支队，北上抗日。9月13日谭道源任第十军团军团长，所部第十八师、第四十六师驰赴上海

参加淞沪会战，两师官兵大部为国捐躯。1938年元月日军沿津浦线南北夹击徐州地区，5月谭到达鲁南前线，受前敌总指挥汤恩伯指挥。5月10日谭率军团部和成光耀第五十师开赴徐州东北之禹王山高地，投入下邳的台儿庄会战，与日军激战五昼夜，阻滞了矶谷师团的南下合围行动，掩护主力部队顺利跳出包围圈。日军以飞机8架，坦克7辆，装甲车30辆将谭部包围，谭陷入重围，欲举枪自杀，为左右将枪抢走。5月16日所部向西北方向突围。22日南撤灵壁，在尹家集复遭日军三面包围，军团部和所属部队被日军分割成数段。成光耀率残部向皖北突围，副师长彭璋、副官处长易式谷等百余人壮烈牺牲，谭道源侥幸脱险。此时，谭道源扭伤脚踝，全赖军参谋长李家自搀扶南行，一星期后为某乡自卫队员发现，才被送往淮阴，经上海、香港，辗转至7月回到长沙。立电蒋介石请辞军职。8月5日任国民政府军事参议院参议、咨议。1939年1月21日谭道源兼湖南省政府委员。1944年夏日军陷长沙，湖南全省设三行署，谭道源改任湘北行署主任。1945年5月再次当选国民党中央监察委员。谭道源本性厚重寡言，沉稳冷静，待人诚挚，热心教育。曾兴建了湘乡敬恭小学，资助长沙明德中学建校并为校董事之一。主张子女学有所长，故多

数子女均大学毕业，无一人从政。1946年8月3日谭道源病逝于长沙寓所，享年59岁。原葬长沙河西七都石桥段罗家坡泉塘子，后由长沙市统战部门迁至河西潇湘陵园。

纵观谭道源的一生，从一个农村贫穷的孩儿投身行伍起步，先后参加了清朝封建帝制的推翻，孙中山先生最早成立的同盟会，辛亥革命中的云南护国军及重九起义，反对袁世凯和赵恒惕的护法讨贼援粤驱陈（炯明）斗争；在国民革命时期，作为北伐战争中的第二路军，随同谭延闿将军从广东挺进江西，打跑了赣南军阀杨健生和杨如轩，消灭了北洋军阀蒋镇臣，并胜利地会师南昌；1930-1936年期间，受蒋介石之令，对江西红军多次『清剿』。1937年在反对日本帝国主义侵略的淞沪保卫战和山东台儿庄会战中，他率领的军团虽坚毅地完成了作战任务，但因装备低劣，友军配合、支援不力，无法抵挡敌人强势攻击。战后，谭道源心灰意冷，最终退出军界。他的戎马一生，不愧是建国湘军的主力，推翻满清王朝和国民革命的功臣，抗日救国的英勇将领。更是我湘乡横铺谭氏家族中一位值得后人敬重和敬仰的名人。

由此，2001年的6月，湖南省政府将『谭道源将军之墓』进行了重建。2005年的9月，中共中央、国务院、中央军委决定对在抗日战争中作出过贡献者给予表彰。为此，湖南省长沙市委有关领导

亲到谭道源将军的后人家中，向已故抗日将领谭道源颁发了《纪念抗日战争胜利80周年》的纪念章，以对将军在抗日战争中功绩的表彰，并激励将军的后人永远纪念将军。

湘乡谭氏宏妙公（塘湾世系）首修通谱编辑部 世连 收集整理

谭馥传（公元1878—1909）

谭馥，字文炳，湖南湘乡人，中国近代民主革命家。早年加入秘密社团哥老会，1906年随同帮会参加萍浏醴起义。起义失败后到广州，组织保亚会，加入孙中山先生领导的中国同盟会，1907年革命党人在广东钦州防城发动起义时，曾策动清军巡防营起义，未成。1908年，在广州散发保亚票，准备联络人员进行反清武装起义。1909年在湖南郴州被满清政府逮捕，押回广州，虽经严刑逼供，仍英勇不屈，直至壮烈牺牲。〔一〕谭馥牺牲后安葬于长沙市岳麓山。其墓碑上刻有烈士谭馥之墓六字，墓碑左右刻有一挽联：『名山有幸埋忠骨，黄土无情化国殇』。〔二〕中文名谭馥国籍中国民族汉族出生日期1878年逝世日期1909年谭馥（1878—1909），字文炳，湖南湘乡人，中国近代民主革命家。早年加入秘密社团哥老会。1906年随同帮会参加了湖南反清的萍浏醴起义，事败后赴广州，在清军巡防营中设立保亚会，加入孙中山先生领导的中国同盟会。1907年与葛谦等赴钦州，运动清防营统领郭人漳部士兵反正，响应钦廉防城起义。事泄未成功，再赴广州，继续在清军中进行活动。1908年10月，光绪帝与慈禧太后相继死亡，谭馥与邹鲁、赵声、朱执信等拟趁机发动起义，在广州散发保亚票，以资联络，准备联络人员进行反清武装起义。事败未成，避走郴州。〔三〕1909年在湖南郴州被

满清政府逮捕，押回广州，遭刑讯多次，仍英勇不屈，坚不吐实，1909年7月壮烈牺牲，终年31岁，
暗葬于广州市黄花岗。1912年中华民国成立后，迁葬湖南长沙岳麓山。

湘乡谭氏宏妙公（塘湾世系）首修通谱编辑部 世连 收集整理